

Universitätsbibliothek Paderborn

Lignum Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Aneriorvm Boetiorvm Gens.

urn:nbn:de:hbz:466:1-38372

ANICIORVM BOETIORVM Gens.

Clar a fuit etiam hoc tempore Romę Illustris Aniciorum Boetiorum Torquatorum familia, sed qua ratione Anicia dicta fuerit, aut quo consanguinitatis gradu cum his nostris Aniciis iuncta, explicare adhuc minimè valeo, licet super hac re diù multumq; infudauerim; tum ut mihi ipsi satisfacerem, tum etiam ut Ill. D. Io. Petro Villa de Canibus Siculo, amicitia mihi iuncto, qui illud à me exposcebat, morem gererem. Primus qui in Historijs reperiatur, est Anicius Manlius, Seuerinus, Boetius, Torquatus, qui Consulatum gessit, sine collega, ut Fasti Consulares produnt, anno Vrbis 1239. Christi 487. & præter filium quem sibi æqui uocum genuit, nullam aliam memoriam posteris de se reliquit.

IAnicius Manlius Torquatus, Seuerinus, Boetius, Consulatum gessit prima vice anno Vrbis 1262. Christi 510. cum Eutharico: & post II. Consul, fuit cum Socero suo Symmacho an. Vrbis 1274. Christi 522. vir fuit omnium attestatione grauissimus & sanctissimus, omniumq; scientiarum peritissimus, ut eius opera, quæ ab alijs recitantur indicant. Tandem ob affectata liberratis suspicionem, a Theodorico Rege exilio dñatus, deinde custodiæ traditus, postremò Ticini post Symmachi socii mortem coronā martyrij perceperit, anno Christi 526. canonizatus sub nomine S. Seuerini. Apud Cassiodorum in libris uariarum lectionum plures ipsius Regis Theodorici, ad eum leguntur Epistolæ. Fuit Sanctissimo P. N. BE-NEDICTO familiarissimus, & Sublací, cum Tertullo S. Placidi Patre, aliisque Senatoribus illius mensæ accepit. Eius postmodum, ac socii Symmachi stauras, ac bona, fisco adiudicata, Regina Amalasuntha, Regis Theodorici filia, hæredibus integra redidit. Vxores ei duæ fuisse, harum prima fuit Elpis, Messianensis, Sicula, quam D. Io. Petrus Villa de Canibus, filiam facit T. Annij Placidi V. C. & Cos. ac sororem Faustinæ, Vxoris Tertulli Patricij, matris S. Placidi Martyris; nos uero id non audemus affirmare, cum testimonia veterum desint, Lector quod ntelit sequatur. Fuit hæc Elpis mulier & sanctissima, ac doctissima, cuius est deuotissimus, & pulcherrimus ille Hymnis, Aurea luce, &c. Qui in natali SS. Apostolorum Petri, & Pauli cantatur. Obiit Ticini viro suo

suo superstite, ibidemq; sepulta est, & hoc Epitaphio condecorata :
Elpis dicta fui, Siculae regionis alumna,
Quam procul à patria coniugis egit amor.
Quo sine mæsta dies, nox anxia, flebilis hora,
Cumq; viro solum spiritus unus erat.
Lux mea non clausa est tali remanente marito,
Maiorisq; animæ parte superflues ero.
Porticibusq; sacris, iam nunc peregrina quiesco,
Iudicis aeterni testificata thronum.
Neue manus buslum uiolet, ne forte iugalis,
Hec iterum cupiat iungere membra cinis.

Ex hoc Epitaphio aperte colligitur errare eos, inter quos unus est
Io. Petrus Villa de canibus, qui putant hanc eandem esse cum Ru-
sticana, Symmachi Filia, secunda Boetij vxore, nam constat ex Pro-
copio, lib. 1. de bello Gothicō, Sigonio, & aliis, Rusticanam multis
annis uixisse post uiri sui mortem; haec uero mortua est ante Boe-
tium, ut ipsa facetur hoc uersu,

Lux mea non clausa est tali remanente marito,
Maiorisq; animæ parte superflues ero, &c.

Secunda Boetii Vxor fuit Rusticana, Symmachi Patricii filia, de qua paulò inferius agemus cum peruererimus ad Symmachum patrem. Ex prima an filios habuerit incertum: ex secunda duos sustulisse fertur, Boetium uidelicet, & Symmachum. Castigatio-
ne non modica indiget Venerabilis Beda hist. Angl. lib. 1. c. 13, qui
annum 23. Imperii Theodosii iunioris, putat fuisse annum Consulatus Symmachi, & Boetii IIII. cum illo anno qui erat à Christo
446. neuter eorum natus esset, & annus ille non Boetio, sed Aetio
III. & Q. Aurelio Symmacho, diuerso à nostro, in Fastis Consula-
tibus annotetur: nec Boetius ter, sed bis tantum inierit Consula-
tum. Affinitatem nominis Aetii cum Boetio, & Symmachi æqui-
uocationem, materiam erroris Bedæ dedisse manifestum est. Ut
fecit & Ioanni Murmellio in uita Boetii, qui patrem pro filio acci-
piens, dicit eum accubuisse mensæ S. P. B E N E D I C T I in
monte Casino, quod accidere non potuit, cum Boetius iam duobus
annis occisus fuisset, ante quam S. P. N. B E N E D I C T V S
montem Casinum accederet: & qui subscriptus inuenitur Boetius
in fine chron. Cas. non hic, sed eius filius fuit:

Anicius Boetius.

Anicius Symmachus.

h

Duos

Duos fuisse filios Boetii ab Historicis quidem proditum¹, sed quæ eorum nomina fuerint ab iis ignoratum. Hos pater ipse aliquando Consulatu honoratos domo prouehi sub frequentia parentum, & plebis alacritate uidit. Vnde ipse prosa 4.lib.2. de consol. philol. *Quid dicam liberos Consulares, quorum iam ut in id etatis pueris, vel paterni, vel aucti specimen elucet ingenij?* Ex his Boetii patris aerbis, uni ex eius filiis Symmachi aui, altero Boetii patris, nominadimus. Et huius posterioris nomen inuenitur in duobus priuilegiis montis Casini, an. 529. & 530. datis, in quibus sic subscriptus legitur: *Ego Boetius bis Consul subscripti.* Item & in duabus epistolis, quarum una est Iustiniani Imp. altera Theodoræ Aug. ambabus ad S. Placidum nepotem suum anno 538. scriptis; & hoc modo finientibus; *Consulatu Boetij, & Cethigi anno tertio.* Vtrum liberos habuerint ignoro.

Gradus V. Anicianus XXI.

Fl. Anicius Vitalianus Probus, Germani filius, quem Fratrem suum fuisse testatur ipse Iustinianus in epistola ad Sanctum Hormisdam Papam, sic inquiens: Vnde ad Beatitudinem Vestram, & frater noster gloriofissimus Vitalianus, per Paulinum virum sublimè defensorē nostræ Ecclesiæ rescripsit, &c. Reliqua de eodem mihi obscura. Genuit ex uxore N. filium Vitalianum.



*Flavius Anicius Iustinianus Probus
V. C. & Comes Illustris, Germani
filius, Consulatum geffit, anno 521.
cum Fl. Valerio. Deinde ab Auunculo
Anicio Iustino Seniore Imperatore,
Augustus appellatus, impe-
rare coepit anno 528. imperavitq; annos 39. menses 3.
dies*

D
VII
on.
VII
VII

dies 13. Obiit Constantinopoli anno 565. Idibus No-
vembris, ubi & sepultus est. Fuit Princeps pace, &
bello inclytus, veteris Romanæ gloriae instaurator exi-
mius, & proculdubio Imperatorum maximus. Nam
domi consilio, & labore virorum Iuris peritissimorum,
Romanorum legum immensam congeriem in breuiores
formam, certaque volumina redigens, nouam quasi iuri-
ris ciuitatem condidit. Voxorem habuit Theodoram
Augustam, defunctam an. 549. Imperij anno 21. Men-
se 3. ut testatum reliquit Procopius de bello Gothorum
lib. 3. Ex ea genita filia N. Anicia, Anonyma. Gessit
ut Imperator, pro insigni Aquilam bicipitem auream,
auro coronatam, in rubra parma.

Fl. Anicius Germanus, Probus, V.C. Patritius, Ger-
mani filius, Imperatoris Iustiniani frater, ut auctor
est Iornandes Gothorum Episcopus libro de rebus Geticis
in fine, his verbis. Mathasuentam vero iugalem
eius (videlicet Vitigis Gothorum Regis) fratri suo
Germano Patricio coniunxit Imperator (Iusti-
nianus nempè) de quibus postumus patris Germa-
ni natus est filius, item Germanus. In quo con-
iuncta Aniciorum gens cum Amala stirpe, spem
adhuc vtriusque generis Domino præstante pro-
mittit. Hæc Iornandes, qui tamen in principio eiusdem
libri, quem nunc fratrem Imperatoris nominat, tunc fra-
turelem eius appellat. Nepotem vero ex fratre vocat eū
Procopius li. 2. de bello Persico; & de Vandalico lib. item

h 2 ij.lib.

ij.li.3 .de bello Gothorū duob.in locis non amplius ex fra-
tre, sed ex sorore nepotem eum agnoscit, quæ opinionum
diuersitates effecerunt, ut posteriori Iornandis sententia,
qua fratrē Iustiniani fuisse dicit, magis quā priorū alicui
adhæreremus.Fratmelem.n.suspiciari recte nō possumus,
cum Eupropius & Tertullus, Iustiniani Imp. Patru-
les, alios filios non legantur habuisse, quam suprānomina-
tos. Nepotem ex fratre asserere non videtur licere, cum
alij Iustiniani fratres non legantur quam Vitalianus su-
pradicatus, & hic Germanus : & cum Vitaliani filius,
& ipse Vitalianus dictus, dicatur ab Historicis fuisse
huius Germani gener ob filiam quam in uxorem dux-
rat, omnibus videtur legibus aduersari , ut illo tempo-
re maximè quis fratri filiae matrimonio copularetur:
quod necessario sequeretur si Germanus Vitaliā filius, ac
Vitaliani frater crederetur.Nepos autem Iustiniani ex
Bligentia sorore,fuit Germanus,at non iste sed alius Do-
rothei Anicij filius,in Bederina ciuitate Illyrici,quæ nūc
Iustinopolis uocatur,natus,qui Romanis præfectus bellū
contra Hunnos ad Chersonesum administrauit,alio Ger-
mano Imperatoris fratre iam defuncto, de quo meminit
Agathias lib. v. & ex hac æquiuocatione nominis Ger-
mani, cum uterque Iustiniano Imp. sanguine iunctus
esset, tantam diuersitatem in præfatorum libris reperiri
arbitror, quod scilicet unum ab altero secernere non cura-
uerint . Habuit Germanus hic uxores duas, primam
N.anonymam, ex qua Iustinus, Iustinianus; & N. filia
procreati . Secundam Mathasuentam, Vitigis Regis
relictam

relictam, Eucharij, & Amalasunthæ Reginæ filiam, quam duxit anno 542. ex qua natus est Germanus Posthumus. Vir fuit strenuus, & belli Imperator egregius, ac militari disciplina clarus; his dotibus accedebant liberalitas, & innocentia singularis: quibus ille virtutibus erat iuxta militibus, populisque optatissimus. Obiit morbo repentino in Dalmatia, cum contra Gothos, qui in Italia erant bellum pararet, an. Do. 543. Superstite uxore grauida.

Anicia Bligentia, Anicii Germani filia, & Iustiniiani Imp. soror, matrimonio iuncta est illustri viro, & Consulari Anicio Dorotheo Romano, Tertulli Patri, cui consanguineo, qui Consulatum Orientis gessisse se perhibet in donatione Gordiani, quæ est fol. 197. chro. Casin. in qua sic subscriptus reperitur: Ego Dorotheus Cōf. nouæ Romæ Constantinopoleos. Eius, & meminit Agathias lib. v. non longè à fine, agens de filio eius Germano quem ex uxore Bligentia sustulit, simul cum filia Prinæta. De Bligentia agit. Procop. li. 2. de bello Vand.

Sanctus Anicius BENEDICTVS Probus, Eu-
proprii, Probi, Comitis Nursiae, filius, ex Abundantia
Riguardata matre, uno partu editus cum sorore Scho-
lastica, anno Domini 480. in ciuitate Umbriae Nursia;
cum iam adoleuisset à parentibus, ut bonis litteris
informaretur, Romanum missus est: sed cum ei omnis
mundana pompa vilesceret, Parentibus, amicis, & am-
plis facultatibus relictis, anno etatis 14. Christi 494.

h 3 Ere-

Eremum petiit, in qua ita omnis Monastica perfectionis viam arripuit, ut prodentibus miraculis Abbas mox electus fuerit: quod officium gessit primum in quodam apud Sublacum cœnobio; Sublaci deinde, ubi parentes suos SS. Maurum, & Placidum in lege Domini, & Monastica disciplina instituendos suscepit. Postremò Casini, Tertulli, fratruelis sui Castro, in quo Monachorum Regulam spiritu dictante Diuino, composuit, ex qua uniuersalis Occidentalium Monachorum Pater, & Patriarcha nominari, et esse meruit. Eius vitam composuit S. Gregorius Papa dialog. lib. secundo. Obiit sanctitate, & miraculis clarus die 21. Mensis Martij, vel anno D. 542. die Veneris Sancto, Indict. 5. vel 543. Sabbato Sancto Paschæ, Indict. 6. ætatis sue an. 62. vel 63. Et sepultus est Casini in Oratorio S. Ioannis Baptiste, unacum S. Scholastica sorore, in tumulo sibi ante mortem præparato.

S. Scholastica Anicia, S. P. Benedicti ex ijsdem Patre, & Matre soror, uno cum ipso partu edita an. 480. fratris exemplum imitata, vitam Monasticam egit in Monasterio S. Mariæ de Plumbariola, tribus à Casino milliaribus: cuius insigne miraculum, et mortem narrat S. Gregorius Papa dialog. li. 2. cap. 37. & 38. Obiit eodem anno, quo frater eius S. Benedictus, die 10. Februario, ætatis sue anno 62. vel 63. & Casinum à fratribus delata, in eodem, cum fratre suo, sepulchro condita est.

Fl.

Fl. Anicius Probus Tertullus iunior. V. C. & Pa-
tricius, Flauij Anicij Probi Tertulli filius, anno Christi
523. Consulatum gessit cum Flauio Philoxeno, ut Fasti
consulares edunt. Huius clarissimi viri splendorem, &
potentiam, recitant S. Gregorius Papa dialog. lib. 2. c. 3.
Gordianus Monachus in vita S. Placidi, & sacerdotum,
statim in principio: Leo Ostiensis in Chron. Casinensi,
pluribus in locis: Petrus Diaconus, & Zacharias Papa
in quodam suo diplomate, quod est post finem chron. Ca-
sin. excusum: Iustinianus Imp. in epist. suis, qui cum
vbiq; & semper Exadelfum, id est, fratrele, appelle-
bat, & alij multi recentiorum. Obiit ut ex epist. Theodore
Augustae coniicio, an. C. 536. die 14. mensis Iulii, et in
Monasterio Montis Casini sepultus est; ubi eius dies An-
niversaria, quotannis solenniter a Monachis die predicta
celebratur. Uxor eius fuit filia Titi Annij Placidi Con-
sulis, & V.C. Romani, quam Faustinam vocatam, soro-
remq; Elpis, primæ Boethii V.C. uxoris, putat D.Io.
Petrus Villa de Canibus: ex illa geniti, Placidus, Vi-
ctorinus, Enticius, Flavia, & Silvia.

Anicius Hypatius, Anicii Probini filius, ex Anasta-
si Imp. sorore, ut refert Procopius li. i. de bello Persico,
vir Patricius, & Orientis Praetor, & pro Iustino Senio-
re Imper. pro pace meunda ad Cabadem Persarum Re-
gem Legatus.

Anicius Probus, V.C. eiusdem Anicii Probini ex eadē
matre filius, cuius, eiusq; legationis ad Hunnos, ut Iberis

h 4 au-

auxilium præstarent, meminit idem Procopius eod. li. 1. de
bello Persico Consulatū gessit cum F. Clemētino an. C. 513.
non autem 502. ut minus rectè annotasse videtur Pan-
uinus, lib. 3. comment. in Fastos; Fl. enim ille Probus qui
an. 502. Consulatum iniit, fuit Pater Tertulli Patricii,
& S. Placidi Aius, ut rectè annotatum nobis reliquit
R. Bardi, in catalogo Consulum Anicianæ Familiæ. Et ra-
tio temporum indicat non potuisse anno illo inire Consul-
atum, ob etatis defectum; cum enim, ut ait Procopius,
eius mater fuerit Anastasii Imp. soror, quam uerisimi-
le est Anicio Probino nupsisse fratre suo Anastasio ad Im-
perium iam assumpto (assumptus aut refertur an. 492.)
omnino fatendū esset Probus iniisse Consulatum ad sum-
mum anno etatis suæ x. quod nequaquam credendum est.
Sequimur ergo de suo Consulatu præfatum R. Bardi.

Anicius Aequitius, Anicij Probini (ut mea est conie-
cta) filius, V. C. & Consul Nouæ Romæ, ut ex subscrip-
tione donationis eius S. P. Benedicto facta constat, in
qua sic subscriptus inuenitur: Aequitius Senator &
Consul Nouæ Romæ. Memoratur in donationibus
Gordianorum duorum, in quibus semper Patricius, &
eorum nobilis parens nominatur. Vxor eius fuit Iulia, ex
qua natus filius S. Maurus Abbas.

Anicius Gordianus, Anicii Felicis filius, Illustrissimus,
atque Specabilis Consul Alma senioris Romæ, cuius est
illa donatio, que est fol. 197. Chron. Cas. facta S. P. N. Be-
nedicto, A. C. 529. die 6. Iulii: uxorem habuit Siluiam
Octaviam ex qua geniti Gregorius, & Paulina.

ANI